

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

هیئت تحریریه منک آری آری یازمقدمه اولدقلری مقاله لرك ، كرك افاضل امت ايله مستفید فضل و عرفانی اولمش قدر شناس طلبه مقتدره سی و مفتون کالاتی اولان قارئین محترمه من طرفندن کوندلرش و کوندریله جک مقالات و مکاتیبک جمله سی ان شالله پیدرپی نشر اولونه جقدر .

روح الله روحه ابداء

عالم اسلامك برکوکب درخشانی و کرسی و عظ و ارشادك یکانه صاحبقرانی اولان استاد محترمز فاضل شهر مناسـترلی اسماعیل حقی افندی حضرت تلیزینک افول نا کهانیلرندن طولانی حس ایلدیکم تأثرات قابیه یی تصویر ایدهم . بوضیاع الیک قلوب صافیة امتده حصوله کتیردیکی تألمات عظیمه دخی تصورک فوقده در . (باقی همه اوست جمله فانی !)

مرحوم مشارالیه عقائد متینه اسلامیه و احکام مبجله دینییه سنک انداز تعرض و تعریض اولان ملحدین و منافقین ايله نهایت عمرینه قدر قالا و قلماً معارضه و مجاهده یه دوام و براهین واضحه و دلائل قاطعه ايله خصمانی الزام ایلهرک عصر مزده کاشانه علم و عرفانک بر رکن رکینی و شریعت غرای احمدیه نک برمدافع متین و مکیکی اولدیغنی بحق اثبات ایلشدر .

صورت مفصلده ترجمه حالی تحریر ايله نائل اجر و فیر اوله جحق ذوات طرفندن علی المفردات ثبت و تعداد ایدیه جک اولان آثار و مؤلفات علیه لری کندولرینک ترقیات حاضره و ایجابات عصریه یی لایقیه تقدیر ایدرک اول وجهله تنویر افکاره بذل ماحصل اقتدار ایلدیکنه دلالت ایدم جکندن بتون اخوان دین ایچون یکان یکان مطالعه ایدیللی در .

مزرعه آخرت اولان شو دنیای فانیده خدمات مقدسه دینییه وقف حیات و اخلاق فاضله محمدیه ايله تحلیه ذات وصفات ایدن مرحوم مشارالیه ک روح پرفتوح لرینه قارشو همیشه « روح الله روحه ابداء » دعاسی ایراد و روحانیت استاذانه لرندن استمداد ایلرم .

مستشار مشیخت علیا

سعيد

مناسـترلی

طلبه سی آره سنده او کتبخانه سفر بری بوتک کله نک حوصله افاده سی استیعاب ایدردی ؛ بز ، طلبه سی ، هیمز کندیسنی آره مزده بویه یاد ایدردک ؛ و بوتک کله نک مواجهه ایرادنده هر کسک جبهه باطننه مال تعظیم انطباع ایدردی .

مناسـترلی یی مکتب حقوقک و آیاصوفیه معبدینک کرسیلری واسطه سیله طانیدم . آیاصوفیه منبر مواظظک اوزرنده قاعد اولان عرفان ايله مکتب حقوق کرسی تدریسک اوزرنده اوطوران ذکا آره سنده عظیم مسافه واردی ؛ انسان مناسـترلی یی آیاصوفیه معبدنده دیکله رکن سایه یقین بر یردن کندینه سسلر کلیردی ؛ برطاق اصوات

زکا و فیرط دهاسیله بحر العلوم اطلاقه بحق شایسته ایدی . لسان بیاننده کی طلاقه ، خامه عرفاننده کی بلاغته مسابقت ایدیور ؛ حضور فضائل نشورنده زانوزده تعظیم اولان بیکلرجه شاگردان ایمان و ایقانی هر برندن باشقه باشقه حظ عظیم آلیور ، نه قدر نه قدر مستفید اولیوردی .

کتبخانه دین اسلامه اهدا ایتدیکی مخملات آناری الی قیام الساعه نام فضیلت و معرفت کستریخی خیرایله یاد ایتدیره جک ؛ « مناسـترلی اسماعیل حقی » نام باندی دنیالر دوردجه یاشایه جقدر . ایشته مرحوم مشارالیه حضرت تلیزینک اولدقرب ، اوجان پرور صدای عرفانیدرک ، سامعه مزی چینلا تمقده ، بوتون وجود مزی لرزه ناک ایتکده اولان عکس حزنیله قلم مرکب یرینه اشک سیاه ماتم دوکیور .

او نه شامت انکیز آن حیات ایدی که ، جناب استادک مصیبت ارتحالی خبری آلدق . صانکه تپه مزده بیک ییلدیرم بردن باطلادی . نه اولدیغمزی شاشیردق ، نه یه اوغرا دیغمزی بیلهدک .

زواللی سبیل الرشاد ! سن آرتق او محترم استادک صریر خامه سنه معکس اهتزاز اولامیه جقسک . ارتق صحیفه لرك او لالی حکمتدن ، او سطور معرفتدن ابدیاً محروم قاله جق . سنک ایچین یکانه مدار تسلیت حضرت استادک یاد نامندن ، روان پاکه اهدای فواتحندن عبارت اوله جق .

قاره لرینه سویله ، سرشک ماتم نمونکه خبر ویرکه : آسمان شریعتک بوضیا نثار خورشید عرفانی آرتق افول ایتدی . « فاضل شهر مناسـترلی اسماعیل حقی افندی حضرت تلیزینک ، ملتک بو صوک فلا کتلیزینه تحمل ایدمه یه خبر ویرمکسزین آرامزدن آنسزین چکیلوب کیتدی .

بوکون وجدان اسلامیت لسان حال ايله « یا حسرة علی المؤمنین ! » فریادیه فرقت آتشرلی ایچنده یانیور ، اخوان فضلاسندن مقالات تعزیت و تسلیت بکلیور .

نته کیم ده شمدیدن بر جوق مقالات فاضله آلمغه باشلادق . بونلری ، ورودی منتظر دیکر مقالاتی صرهمسیله نشر ایدرک بویوک بر فریضه دینییه و وجدانیه ایفا ایتمش اوله جغز اعتقادنده یز .

ایشته سبیل الرشاد هیئت تحریریه سی بوتون تحسینات و تأثراتیه جناب استادک روح پاکنی تقدیس و علو نامنی تجیل و تکریم ایدرک عااله کدر دیده سنی و مخادیم کرامنی او مجروح قلبنک اک صمیمی تألماتیه تعزیه یه مسارعت ایلر . « هر که آمد می رود انا الیه راجعون » رحمة الله علیه رحمة واسعة

استاد مرحومک اساس ترجمه حالی ايله ال یازیسی ان شالله کله جک هفته کی نسخه مزده درج اولنه جنی کبی ، حضرتک فضائل و محاسنی ، مناقبی ، علم و عرفانی ، تألیفات و مجاهداتی ، خدمات اسلامیه سی ، خلاصه حیات شخصی و علمییه سی حقنده کی مشهودات ، احتیاسات و ملاحظاته دائر کرك